

خزانه محاکمه

جمعه ایرتسی

نومرو	جاذی الاول	سنه	تشرین اول	سنه	صفحه
۷۴۳	۲	۱۳۱۱	۳۰	۱۳۰۹	۱۱۰۰۵

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی یته مجیدیه یکر می غروش اولق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دایره سنده کائن جریده محاکم اداره سنه مراجعت ایلملیدر)

قسم رسمی

ایتدکن صکره الی بچقده محاکمه بدأ اولنه .
 جفندن اصحاب مصالحك دعوتیه وزقه لرنده محرر
 یوم ووقته بالذات محکمه ده حاضر بولنملری
 ویاطر فلرندن مصدق سنندله بر وکیل
 کوندرملری و بالذات کلدکری و بر وکیلده
 کوندرمدکری صورتده حکم قانونك اجرا
 ایدیه چکی اعلان اولنور .

حسبالموسم کونلرك عدم مساعدته سی جهته
 در سعادت بدایت محکمه سی ایکنجی حقوق
 دایره سی اشبو بیك اوچیوز طقوز سنه سی تشرین
 نایسنك برنجی بازار ایرتسی کونندن اعتباراً ساعت
 بشده کشاد اولنهرق الی بچغه قدر امور داخلیه
 ایله اشتغال واصحاب مصالحك افاده لرینی استماع

سليمانيه سنجاني بدايت محكمه سي مدعي
عمومي معاوني عزمي ومستنطق احمد افنديلرك
اهالي محليه دن غفور اغاي خلاف حكم قانون
صورته توقيف ايلدكري كبي سائقه ارتشا ايله
ديكر بعض اشخاصيده بويولده توقيفه مجاسرت
ايلدكري بغداد وموصل وبصره ولايتلري
عديله مفتشلكندن عدليه نظارت جليله سنه وقوع
بولان اشعار ايله ارسال اولنان اوراق تحقيقيه دن
منههم اولمسيله مومي اليهمانك تحت محاكمه
الئلري ضمننده نظارت مشار اليهادن مذكور
مفتشلكه ماذونيت و يرلمشدر .

قارشو براتلرينه قرار و يرمش اولدقلري وان
ولايتي استيناف محكمه سي مدعي عموميلكندن
عديله نظارت جليله سنه وقوعبولان اشعار ايله
ارسال اولنان اوراق تحقيقيه دن نمايان اولمسيله
مومي اليهمك تحت محاكمه الئلري ضمننده
نظارت مشار اليهادن مذكور مدعي عموميلكه
ماذونيت و يرلمشدر .

(في ۹ ربيع الاخر سنه ۳۱۱ وفي ۷ تشرين)
(اول سنه ۳۰۹ تاريخنده بالجله ولايات استيناف)
(محكمه سي مدعي عموميلرينه و مدعي عمومي)
(بولميان محللر مدعي عمومي معاونلرينه)
(يازيلان تهريرات عموميه صورتيدر)

فضاحت لسانيه ده بولندقلري ادعا اولنان
اشخاص اخبار واقفك صحتي على الاصول ثابت
اولديني حالده مواقع معلومه موقتاً قلعه بند
ايدلمكه ومدت كافيه محبوسيتدن صكره اصلاح

حكاري سنجاني بدايت محكمه سي جزا
دائرة سي اعضاسندن اولوب رياست وكالتنده
بولنان احمدبك ايله اعضادن حاجي محمد واه و بردي
ودكتو اغالرك هيئت حاكمه بي خلاف قانون
صورته تشكيل ايدرك شقاوت ماده سندنطولاي
جنايله متهم اولان كوازي على افندي اوغلي
حسن ايله محرر الاسامي رفقاسنك بدايت قانونيه

نفس ايدنلرك سيدللي تحليه اولمقده ايكن حال
مظنونيده بولنالردن بعضيلرينك حقلرنده لازم
كلان تحقيقات وتدقيقاتك اكمل اولنامسندنطولاي
اسناد اولنان فضاحت جرائلري هنوز تبين
ايتكميزين سنهلهجه موقوف قالدقلري مظنوناً
ومحكوماً محبوس اولانلرك مقدما ولايادن جلب
ايدلمش اولان دفترلردن اكلاشلمش وتدقيقاتك
تاخرندن واوراقتك وقيله باب عاليه كوندلرما .
مسندن ناشي برطاقم كسهلرك حقل حقسزموقوف
قلمسي مغاير معدلت بولمش اولديني بيان عاليه
فضاحت لسانيه بناء محبوس اوللردن هنوز
حال مظنونيتده بولنالره متعلق تدقيقاتك تسريع
ايتد يرلمسيله برابر فضاحت مدعا بهايه جرائلري
ثابت اولوبده قلعه بند ايديلان اشخاصدن اصلاح
نفس ايدنلر اولوب اولمديفنك دخي تحقيق
واشعار شرفوارد اولان ۵ شعبان سنه ۳۱۰
و ۱۱ شباط سنه ۳۰۸ تاريخلي تذكره ساميه ده
امر و اشعار بيورلمش وبومشلاو اشخاصك حال
مظنونيتده اوله رق امتداد موقوفيتلريني موجب
اولان اسباب جمله مسندن اولديني اوزره
برمدتدنبرو بعض محللردن تواردايدن تحقيقات
خفيه بي محتوي اوراقتك مثلاً فضاحت مدعا بهايه

دائر اقامه اولنان مخرلرك تزكيه سريه و علنيه .
لرينك مكملأ اجرا اولنامسي و مظنون عليهك
شهود مستمع حقلده مدافعه طبيعيده بولنديني
حاله حقيقت حاله وصولي تسهيل ايچون تعميق
تحقيقات ايدلامسي و مظنونلرك مدافعاتنه وشهود
مستمعك صورت اخباراتنه كوره تقدير وقوعات
بولنده على الاصول ضبط ورقه سي تنظيم و املا
وتختم و امضا ايدلامسي كبي مشهود اولان نواقص
اساسيه ومهمه سنك استكمالي ايچون يكيدن مخابره
اجراسنه مجبوريت الويرمكه بولمش اولديغندن
بعد ازين فضاحت جسيمه لسانيه جرات ايتكمكه
مظنون عليه اولانلرك تحقيقات لازمه خفيه لرينك
اصول مرعيه توفيقاً و مكملأ بالاجرا تنظيم
اولنه حق اوراق تحقيقيه سنك بلا تاخير نظارته
اسرا قلمسي لازم كله جكي جهته اشبو تهريراتك
نسخ مطبوعه كافيه سي لفاً كوندلرلمش
اولمغه صور محرره دائره سنده ايفاي معامله
دقت اولمسي .

(فی ۲۰ ربیع الآخر سنه ۳۱۱ وفی ۱۸ تشرین)
 (اول سنه ۳۰۹ تاریخده بالجهه ولایات استیناف)
 (مدعی عمومی بولمیان)
 (محلل مدعی عمومی معاوانرینه یازیلان)
 (تحریرات عمومیہ صورتیدر)

مترو مکعب اصولی اوزره بلنزیاده متعهدلرینه
 احاله اولنان کراسته و معمولات و محروقات
 بدلات و تقاسیطی مبین طشره اورمان مفتشرلیه
 متعهدین و کفلا طرفلرندن محتوم و ممضی اوله رق
 تعاطی ایدیلان مقاوله نامهلر مجالس اداره ایله
 مقاولات محررلرندن تصدیق ایدلیکی جهنه
 سندات رسمیہ حکم و قوتی احراز ایدرک اعشار
 بدلاتنه و واردات عشریه میاننده استیفا اولنان
 معارف و منافع حصهلرینه دائرالنان سندادتن
 فرقلری قالدینی و اعشار تقاسیطندن و معارف
 و منافع حصهلرندن تقسیطنی وقت معینده
 ویرمیانلرک دینی اشبوسندانه مستنداً طوغریدن
 طوغری به اجرا مأمورلری معرفتیه استیفا
 ایدلیکی حالده اوزمان رسومی تقاسیطندن دینی
 ویرمیانلر ایچون بدایت حکمه لری نزدنده بولنان
 اجرا مأمورلری اولبابده برکونه امر عالی

بولندینی بیانیه محاکم ابتدائیه به مراجعت اولنسنه
 لزوم کوسترمکده و بویوزدن اورمان حاصلاتک
 استیفاسی تأخره دوچار اولمقده اولدیغندن بحثله
 اجرای ایجابی قونیه اورمانلرینک تحقیقنه مأمور
 عزتلو کال افتدی طرفندن ویریلان تقریرده
 کوسترلیدیکی و مترو مکعب اصولی اوزره مزایده
 واحاله اولنان کراسته لری ایله قیه وچی حسابیه
 صاتیلان خطب و کمورک و بونلره معادل معمولات
 سائرهنک مزایده واحاله سنده جریان ایدن معاملات
 واردات عشریه ایله بویانده بولنان معارف
 و منافع حصهلرینک احاله معاملاتندن فرقلی
 اولیوب اگرچه مدت استیفاسی مرور ایتمش
 اولان تقاسیط بدلاتی اخذ و استیفا اولنمقده
 کراسته و محروقات و سائرهنک اورمانلردن نقل
 و اخراج و خارجه امرار ایتدیرللمسی صورتیه
 تحصیلاتک تسریعی قابل و ممکن اوله بیلور ایسه ده
 احالات بدلاتنک تقاسیطی معمولات و محروقاتک
 اورمانلردن اخراجی ایچون تعیین اولنان مدتلردن
 و بحرأ خارجه امرارندن پک چوقو زمان اول
 حلول ایتمکده اولمسلیله اومثللو معمولاتک بدل
 و تقاسیطنی طلب و ادعا ایچون ادارهنک حائر
 اولدینی حق و صلاحیتک متعهدک اورماندن
 چیقارهنجی و خارجه امرار ایده چکی معمولات

و محروقاتک اخراج و امرارینه ممانعت یولنده
 استعمال ایدلمسی و قتلی و قسز عملیات و نقلیاتک
 تأخراتی و متعهدلرک شکایاتی و بناء علیه برطاقم
 مشکلاتی دعوت ایتمکده اولدینی بیانیه استفسار
 رأی حاوی اورمان و معادن و زراعت نظارتندن
 وارد اولان تذکره شورای دولت تنظیمات
 دائره سنه لدی الحواله اقتضای مصلحت مذاکره
 اولنمقده میری اورمانلرندن با مقاوله ملترملره
 صاتیلان کراسته و سائر معمولات ایله محروقات
 اثمائی خزیننه جلیلهنک اعشار و سائرهدن طولایی
 ملترمین ذمتلرنده کی مبالغه مقیس اولیوب شرائط
 و مقاولات مخصوصه به تابع اولدینی جهته
 طوغریدن طوغری به اشخاص ذمتلرنده بولنان
 و بلاواسطه تحصیل اولنان اعشار و سائر تکالیف
 امیری به بدلاتی مثللو معامله اولنسی موافق مصلحت
 اولیوب مع مافیہ مبحوث عنه اولان کراسته
 و سائر معمولات ایله محروقات اثمانندن متعهدلر
 ذمتلرنده قلان مطلوب خزیننه نک تحصیلی امرنده
 سرعت و سهولت اراده سی مقتضای حالدن
 بولندیغندن و کراسته و سائر معمولات ایله محروقاته
 دائر ملترملر ایله عقد اولنوب مجالس اداره ایله
 مقاولات محررلری طرفندن مصدق بولنان
 مقاوله نامهلرک عندالایجاب محاکمه ابرازنده سندات
 رسمیه دن عقدیه اجرای موقت قرارلری حقنده
 اولان مواد قانونیه به تطبیقاً معامله ایدلیکی حالده
 مقصد حاصل اوله جفندن بالاستیدان اراده سنیه
 حضرت پادشاهی متعلق و شرفصدور بیورلدینی
 حالده اولوجهله معامله اولنسنک بالعموم محاکمه
 تبدیلی خصوصنک دائره عدلیه به حواله سی و نظارت
 مشار الیه به معلومات اعطاسی تذکره قلندیقنه
 دائر دائره مذکورهنک مجلس مخصوص وکلادن
 مذیل مضبطه سیله تذکره معروضه و شرفوارد
 اولان اراده سنیه حضرت خلافتناهی موجبجه
 اجرای ایجابی اورمان و معادن و زراعت نظارتنه
 اشعار بیورلدینی بیان عالیسیله دائره عدلیه جه
 دخی اقتضاسنک اجراسی شرفوارد اولان ۲۱
 ربیع الاول سنه ۳۱۱ وفی ۱۹ ایلول سنه ۳۰۹
 تاریخلی بیورلدی سائی حضرت وکالتناهیده
 امر و اشعار بیورلمش و مأموریتکزد داخلنده
 بولنان محاکمه لاجل التبلیغ اشبو تحریرات نسخ
 مطبوعه کافیه سی لفا ارسال قلنمش اولمقله بر موجب
 اراده علیه ایجابنک اجراسی .

قسم غیر رسمی

تیور حصار بدایت محکمه سندن ۲۰ ایلول سنه ۳۰۴ تاریخی و یتش اوج عددی ایله اعطا قلنان اعلامك تمیزی نی استدعایدن تیور حصار قصبه سنده مقیم خانجی اوغلی ملتپادی ایله بمیز علیه قصبه مذکورك جامع وسط محله سنده ساکن دباغ اصنافندن حاجی ابراهیم اغا یوم معینه دائره به کلدکارندن اصول محاکمه حقوقیه قانونك ایکوز یکریمی طقوزنجی ماده سی موجبجه تدقیقات تمیزی به اجراسنه ابتدار قلندی .

اعلام مذکورك خلاصه مالی مرقوم حاجی ابراهیم اغانك دکانندن سرقت اولسان کون و مشینلرک سارق اولق اوزره تحت توقیفه النان جاقو نام شخصک طلب اولدینی وقت حکومته تسلیم ایدلک و تسلیم اولنه مدینی صورتده مرقوم حقتده لازم کلان مجازات طرفه عائد اولق شرطیه من بور ملتپادینک واقع اولان کفالتنه بناء سبیلی تخلیه قلنمش ایسه ده بالاخره فرار ایتسیله سارق مرقوم ایله رفیقنک التیشر ماه حبس لریله اشیای مسروقه بدلی اولان اون درت لیرانک

کندولرندن مناصفه تحصیلنه محکمه جزائیه به غیاباً قرار ویرلش اولدیغندن بختله مذکور اون درت لیرانک نصفنک مرقوم جاقونک کفیلی اولان ملتپادی شوله دن تحصیلنی دعوی واولبابده کی کفالت سندینی ابراز واعطا ایتسنه قارشو مرقوم ملتپادی کفالت واقع نک من بور جاقونک نفسنه شامل اولدینی مدافعه بیان وانبایتمش ایسه ده ذکر اولسان کفالت سندنی مندرجاتنه نظراً مرقوم ملتپادینک کفالتی من بور جاقو بی تسلیمه و مقتدر اوله مدینی تقدیرده مرقوم حقتده لازم کلان مجازاتی تضمینه متدائر اولغله بختله نک التیوز قرق ایکنجی واتی یوز اوتوز یدنجی ماده لری موجبجه کفیل مرقومک مکفول به جاقو بی التمش برکون ظرفنده احضاره وایده مدیکی صورتده اشیای مسروقه بدلندن حسب الکفاله من بور جاقونک حصه سنه اصابت ایدن یدی لیرانی تأدیه به مجبور طوتمسنه حکمدن واشبو حکم علیه ده مستدعی تمیزی ملتپادینک لایحه سنده محرر اعتراضاتنک باشلوجه سی اعلام بمیز به ده بیان وارانله اولسان وخصوص مدعایه شمولی اولیان مواد قانونیه استناداً بوجه محرر حکم ویرلشی قانونه مغایر اولدیغندن بختله اعلامك تقضی استدعاسندن و بمیز علیه ابراهیم اغانک لایحه سنده

محرر نتیجه جوابی دخی حکم ابتدائی مجله و مرقوم ملتپادینک اعطا ایتدیکی کفالتنامه احکامنه مستند و موافق اصول و قانون اولدینی بیانیه اعتراضات مسروده نک ردی و اعلامك تصدیق طلبندن عبارت بولنمشدر .

ایجابی مذاکره اولندقدده اعلام مذکور مندرجاتندن استنباط اولدینی اوزره مرقوم ملتپادینک کفالت واقع سی محکوم علیه جاقو بی جانب حکومتدن طلب وقوعنده تسلیمه و مقتدر اوله مدینی صورتده مرقوم حقتده لازم کلان مجازاتک طرفه عائدینه متدائر اولسنه و مابه التطبيق اتخاذ اولنان بختله نک التیوز اوتوز یدنجی ماده سی ایسه شرطک تحققنه معطوف بولنسنه نظراً ماده مذکوریه یا کلش معنی ویریلهرک برمنوال محرر حکم اولنسی قانونه مغایر و مستدعی تمیزی ملتپادینک اعتراضی دخی بوجهته متدائر اولهرق موافق نفس الامر کورنمش ایدوکنه بناء اصول محاکمه حقوقیه قانونك ایکوز اوتوز ایکنجی ماده سی موجبجه اعلام مذکورك تقضیه قانون مذکورك ایکوز قرق دردنجی ماده سی حکمنه توقفاً کیفیتک یکیدن بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقوم

در تیوز درت بچق غروش مصارف تمیزی به نک ایلروده حقتسز حقیقه جق طرفه رجوع ایتک اوزره اول امرده مستدعی تمیزی ملتپادینک التمسنه ۱۱ تموز سنه ۳۰۷ تاریخنده متفقاً قرار ویرلدی .

اقسرای بدایت محکمه سندن ۲۳ تشرین اول سنه ۳۰۵ تاریخی و بش عددی ایله ویریلان اعلامك تمیزی نی استدعا ایدن اقسرای قصبه سنک ارفنی محله سنده مقیم تیورجی ماردیروس وکیلی موسی افندی تعیین قلنان کونده دائره به کلش ایسه ده مدعی علیه قصبه مذکورك جامع کیر محله سنده ساکن منلا بکر اوغلی حسن اغا کلدیکی کی جواب لایحه سی دخی ویرمدیکندن یا لکن وکیل موسی الیهک ایضاحات شفاهی سی استماع قلندی .

اعلام مذکورك خلاصه مالی من بور حسنک یدری متوفی منلا بکردن ارثاً انتقال ایدوب

قرداشلری محمد و بکر ایله مشترکاً متصرف اولدینی
قصبه مذکورده کائن معلوم الحدود ایکی قطعه
ترلاسنه مرقوم ماردیروسک مداخله واقعه سنک
منی حقنده اقامه ایلدیکی دعوایه قارشو مرقوم
ماردیروس منازع فیه اولان ترلاری تاریخ
دعوان اون اوچ سنه مقدم مرقوم حسن ایله
برادرلرندن ایکی بیک سکر یوز غروش بدل
مقابلنده باذن صاحب ارض اشترا ایتدیکنی
مدافعه آدماوه رجب سنه ۹۲ و ۱ جمادی الاخر
سنه ۹۶ تاریخی ایکی قطعه طابو سندیه ایکوز
طقسان سکر تاریخی برقطعه حجت شرعی ابراز
واعطا ایتیش ایهده مبرز طابوسندی ایله حجت
شرعی شائبه تزویردن سالم اولماسنه و بیان
اولتان تاریخ بیع و شراده مزبور حسنک صغیر
اولدینی لدی الاستعلام نفوس مأمور لغندن
باعلم و خبر اشعار اولدینی کی محکمه جه دخی بالمعاینه
اکلاشلمسته منی قانوننامه اراضیک الی ایکنجی
ماده سی موجبجه مرقوم ماردیروسک منازع فیه
اولان ترلاره واقع اولان مداخله سنک منعیله
مزبور حسنه تسلیمه حکمدن و مستدعی
ماردیروس وکیلک اشبو حکم علیهنده کی
اعتراضاتک خلاصه سی دعوی عقاره متعلق ایکن
ذی الیدک بالینه اثبات ایتدیلماسی و ابراز ایتیش

اولدینی طابو سند ی ایله حجت شرعی حقنده
طابو اداره سندن و محکمه شرعی دن برکونه تدقیقات
اجرا قلمقسنزین شائبه تزویردن عاری اولدینی
بیانیله رد ایدلمسی مغایر قانون اولدیندن بختله
اعلامک نقضی استدعاسندن عبارت بولمیشدر .
ایجابی مذاکره اولدقده اعلام مذکور
مندرجاتندن منقهم اولدینی اوزره دعوا ی واقعه
عقار نوعندن اولان اراضیه متعلق اولسنه منی
محکمه جه عجله نک بیک یدییوز الی دردنجی ماده سی
موجبجه اول امرده ذی الیدلکک بالینه اثبات
ایتدیلمسی لازم کلورایکن بوجهته دقت اولدینی
کبی منازع فیه اولان ترلارک حدودلری مدعی به
تین ایتدیلمسی و متن اعلام مین بیده تصریح
قلمسی و مرقوم ماردیروسک ابراز واستناد
ایدوب محکمه جه تزویردن سالم اولدینی بیان
اولتان حجت شرعی ایله طابوسندلری مندرجاتک
نهدن عبارت اولدینی اکلاشلمق اوزره انلرک
دخی عیناً و یا خلاصه اعلامه درجی مقتضیات
قانونیه دن اولدینی حالد بورالینه رعایت ایدلماسی
و مرقوم حسنک مذکور ترلارده شریکی
برادرلری واریکن مذکور ترلارک یالکر مرقوم
حسنه تسلیمه حکم ایدلمسی قانونه مغایر اولدینه

بناءً اصول محاکمه حقوقیه قانونک ایکوز اوتوز
ایکنجی و ایکوز قرق برنجی ماده لری موجبجه
اعلام مذکورک تقضیه قانون مذکورک ایکوز
قرق دردنجی ماده سی موجبجه اعلامه ربطی
ضمننده محکمه مذکوریه اعاده سنه وزیرده
مفرداتی مرقم اوچبوز الی درت یچق غروش
مصارف تمیزی نه نک ایلروده حقسز حقیقه حق طرفه
رجوع ایتک اوزره اول امرده مستدعی
ماردیروسدن التمسنه ۱۶ مایس سنه ۳۰۷ تاریخده
متفقاً قرار ویریلرک تفهیم قلندی .

اعلام مذکورک خلاصه مآلی مزبور
خرستونک بیک سکر یوز طقسان بر سنه سی
نیسانک اون سکرزنده صامش اولدینی یکر می
بش عدد قیون اتمانندن طولایی مرقوم قصاب
نیقوله ذمتده الاجبی اولان ایکی بیک سکر یوز
اون غروشک تحصیلی حقنده اقامه ایلدیکی دعوایه
قارشو مرقوم نیقوله وکیلی عبده خیاط افندی
موکلنک مدعی ایله بیننده سکر یوز طقسان بر
سنه سی نیسانک اون بشنه قدر قیون اخذ و اعطاسی
معامله سی جریان ایتیش ایهده هنوز محاسبه لرینک
رؤیت اولنامش و مذکور یکر می بش قیونک
اثمانی سنه مرقومه نیسانک اون بشندن ده اول
داخل حساب ایدیلرک سنه مرقومه نیسانک
اون سکرزنده اخذ ایدلمک ممکن بولنش اولدینی
بیان ایله رؤیت محاسبه ضمننده بمزله حواله
مصاححت اولتمستی افاده وادعا ایتیش ایهده بیک
سکر یوز طقسان بر سنه سی نیسانک اون بشنه قدر
طرفین بیننده جریان ایتیش اولان اخذ و اعطانک
محاسبه سی بالرؤیه برقطعه سننده ربط ایدلیدیکی


ایکنجی محکمه تجارتدن ۱۸ تشرین ثانی
سنه ۳۰۸ تاریخی ایله ویریلان اعلامک تمیزی
استدعا ایتیش اولان بیوک اطهده بالق پازاری
جاده سننده واقع قصاب دکاننده ساکن قصاب
نیقوله ولد قولیا وکیلی عبده خیاط افندی تعیین
قلنان کونده دائره یه کلش ایهده ممیز علیه غلطه ده
قره کویده کائن قصاب دکاننده مقیم قصاب خرستو
ولد یانی غالیجی ورود ایتدیکنندن یالکر وکیل

واهی و بی اساس اولدینی بیانیه موافق قانون
اولان اعلامك تصدیق استدعاسندن عبارت
بولمشد.

ایجابی مذاکره اولندوقده اعلام مذکور
مندرجاتندن مفهم اولدینی اوزره مدعی خرسونك
اثمانی طلب و دعوی ابتدیی قیونلرك ندیغی
مدعی علیه نیقوله انكار ایتوب انجی مذکور
قیونلرك اثمانك حساب اذخال اولندیغی بیان
ایتمش اولسنه کوره بدایه مدعی مرقومك دفترلینه
مراجعتله واقضا ابتدیی صورتده سارکونه
تحقیقات اجراسیله مذکور قیونلرك بدلنك اخذ
ایدیلوب ایدلدیكنك ظاهره اخراج اولنهرق
کیفیتك تحت حکمه النسی قانوناً مقتضی ایکن
بودآزده ایفای معاملله اولنهرق مذکور قیونلرك
النش اولدیغنه دائر استماع اولنان شاهدلرك
شهادتنه بناءً مبلغ مدعا بهك تحصیلنه حکم ویرلمسی
قانونه مغایر و مستدعی وکیلنك اعتراضی دخی
بوجهته متدأر اولهرق موافق نفس الامر اولدیغنه
بناءً اصول محاکمه حقوقیه قانوننك ایکوزاوتوز
ایکنجی مادهسی موجبجه اعلام مذکورك تفضیله
قانون مذکورك ایکوز قرق دردنجی مادهسی حکمنه
توفیقاً کیفیتك صورت مشروحه دائره سنده
یکیدن بالرؤیه اعلامه ربطی ضمیمه محکمه
مذکوره عاده سنه وزیرده مفرداتی محرر درت

تصادق طرفین ایله اکلالمش اولدیغندن رؤیت
محاسبه حقنده کی ادعاك مردودیتی درکار
بولندیغنه و مرقوم خرسونك سنه مرقومه
نیساننك اون سکرزنده مدعی علیه نیقوله به برقمده
یکرمی بش قیون اعطا ابتدیی شهادت واقعه ایله
مرتبه ثبوت و اصل اولدیغنه بناءً مدعا به اولان
ایکی بیک سکر یوزاون غروشك مع فائض مرقوم
نیقوله دن تحصیلنه حکمدن و مستدعی تمیز و کیلی
عباده خیاط افندیك اشبو حکم علیهنده کی
اعتراضاتنك باشلوجهسی موکلنك رؤیت محاسبه
اولدیغنه دائر برکونه افادهسی سبق ایتامش اولدینی
کی رؤیت محاسبه خصوصی تسلیم اولسنه بیله
بوابده تنظیم ایدلدیکی بیان ایدیلان سننك
و طرفین دفترلرنك تدریقیه مذکور یکرمی بش
قیونك اثمانك داخل محاسبه ایدیلوب ایدلدیکی
بالتدقیق نتیجه حاصله به کوره حکم ویرلم قانوناً
لازم کلور ایکن رؤیت محاسبه حقنده کی ادعالنك
ردینه قرار ویرلمسی قانونه مغایر اولدیغندن بختله
اعلامك نقضی و تمیز علیه خرسونك لایحه سنده
محرر نتیجه جوابی دخی کندوسنك ادعاسی
عدالتلری ظاهر اولان شاهدلرك شهادتنه مستند
اولغله برابر مذکور قیونلرك اخذ ایدلدیکی اقرار
و تصدیق ایدلمش اولغله اعتراضات واقعه نك

یوز اون طقوز بچق غروش مصارف تمیزیه نك
ایلروده حقسنز حقیقه حق طرفه رجوع ایتك اوزره
اول امرده مستدعی تمیز نیقوله دن النسنه
۲۷ مایس سنه ۳۰۹ تاریخنده متفقاً قرار
ویریلرك تفهیم قلندی .



سلانك استیناف محکمه سندن ۲ ایلول
سنه ۳۰۸ تاریخ و یکرمی سکر عددی ایله
ویریلان اعلامك تمیزی استدعا ایتش اولان
درامه قصبه سنك درویش بالی محله سنده مقیم کامل
بك زاده حسن تحسین بك و کیلی احمد مختار
افندی ایله ممیزعلیها قصبه مذکوره نك خلیل بك
محله سنده ساکنه حاجی عثمان بك کریمه سی
فاطمه خاتم و کیلی نظیف افندیك یوم معینده
دائره به ورود ایتلر یله ایضاحات شفاهیله ری
استماع قلندقدن صکره تدقیقات تمیزیه اجراسنه
ابتدار اولندی .

اعلام مذکورك خلاصه مالی مومی الیها
فاطمه خانمك باطابو عهده تصرفنده اولوب اوچ

یوز ایکی سنه سی روز قاسمندن اعتباراً بش سنه
مدت و سنوی اوتوز لیرا اجرت ایله مومی الیه
تحسین بکه ایجار ایتش اولدینی قصبه مذکوره ده
واقع یکی چفتلکی بدل ایجارندن الاجنی اولان
طقسان بش لیرانك تحصیل و مدت ایجار اولان
بش سنه یرینه طقوز سنه عباره سنی درج ایله
ینلرنده تعاطی قلنان مقاوله سندی مومی الیهك
تحریف ایتش اولدیغندن بختله مذکور چفتلكنك
تخلیه سی حقنده اقامه ایدلدیکی دعوییه قارشو مومی الیه
تحسین بك و کیلی ادهم افندی مذکور چفتلك
سنوی اوتوز لیرا اجرتله موکلی تحسین و برادری
محرم بکرك تحت استیجارنده اولوب مدعیه نك
بدل ایجاردن غیراز استیفا ادعا ایتكنده اولدینی
طقسان بش لیرادن الی برلیرا برچار یکنی موکلی
مدعیه نك امر یله چفتلك تعمیرات و انشا آتیه
صرف ایدرك متباقی بورجی قلان قرق اوچ کسور
لیرای تأدیه به حاضر ایدوکنی و ایجار سندیك
تحریف ایدلدیكنك اصلی اولیوب مدت مقاوله نك
طقوز سنه دن عبارت ایدوکنی مدافعه تذکار
و برقطعه مقاوله سندی ابراز واعطا ایتش ایسه ده
مذکور مقاوله سندیك اوچیوز ایکی تاریخنده
تنظیم ایدلمش اولدینی حالده اوچ سنه صکره یعنی
اوچیوز بش سنه سی شباطنده تصدیق ایتدیرلمسی

مندرجاتك صحت وعدم صحتي حقنده شبهه بي داعي
اولسي جهتيله اول امرده بوجهتك تحققي ضمننده
مذكور سند زيرنده اسملري محرر كسانك براي
استماع محكمه به كتور لمسي لزومي تحت قراره النهرق
مومي اليه تحسین بکه بر قاج دفعه لر مهل اعطا
قلنمش ايسه ده مير مومي اليهك شاهدلري
كتوره ميه جكني بيان ايتسه نه مبنی سند مذکور
احتجاجه صالح كوريله ماش اولديقندن طرفين
بيننده كي عقد ايجارك فسخيله چفتكك مدعيه
مومي اليها فاطمه خانم تسليمه و بش سنه لك بدل
ايجار اولان يوزاللي ليرادن اللى ليراي خانم مومي
اليهانك مقبوضي اولديني تحت اعترافنده اولغله
برابر مومي اليه تحسین بك جانبندن مجدداً انشا
ايديلان ايتسه نك قيمتي اولديني عند الكشف
ا كلاشيلان بش بيك يوزاللي غروش ايله مير مومي
اليهك آيروجه درت قلمده صرف ايلديكي درتيوز
سكسان برغروش كه من حيث المجموع بش بيك
التیوز اوتوز برغروشدن ايكي بيك ايكوز يكرمي
بش غروشي خانم مومي اليهانك قبول ايلديكي كي
اوست طرفي اولوب انكار ايلديكي اوج بيك
درتيوز التي غروشك صحت صرفي دخي كشف ايله
تحققي ايتش اولديقندن مبالغ مذكوره نك مدعا به
طقسان بش ليرادن بالتريل ليرا يوزسكز غروش

ايجايي مذاكره اولندوقده اعلام مذکور
مندرجاتندن منقعه اولديغه كوره منازع فيه اولان
چفتكك ايجار مدتي حقنده طرفين بيننده اختلاف
و مبرز ايجار مقاوله نامه سي مندرجاتك صحتي
امرنده دخي اشتباه حاصل اولغله بوجهتك تحققي

ضمننده مقاوله زيرنده امضالري موضوع كسانك
استماعلري لزومه قرار ويرلديكي حالده مومي اليه
تحسین بكك مذکور شاهدلري كتوره ميه جكني
بيان ايتسي اوزرينه طرفين بيننده كي عقد ايجارك
فسخنه قرار ويرلش ايسه ده بداية مومي اليه
تحسین بك وكي جانبندن مدت ايجارك طقوز سنه
اوزرينه منعقد اولديني حقنده كي ادعاسي برمنوال
محرر شهود شخصيه اقامه سيله اثبات ايده مامسي
اوزرينه خصمك تحليفني طلبه حق دركار اولغله
طالب تحليف اولوب اولديقنك بالسؤال اقتضاي
قانونيسي اجرا اولغلي لازم كلور ايكن بداية
بوداثره قانونيه ده معامله اولنماسندن طولاي
عند الاستيناف اعلام ابتدائيك فسخيله دعوانك
يكيدن رؤيت واعلامه ربطلي مقتضي اولديني حالده
بوراسي نظر دقت واعتنايه التفسيرين اعلام
مذكورك تصديقنه قرار ويرلسي قانونه مغاير
ومستدعي تمیز تحسین بك وكي نك اعتراض دخي
بوجهته متداثر اوله رق موافق نفس الامر اولديغه
بناء اصول محاكمه حقوقه قانوننك ايكوز اوتوز
ايكنجي ماده سي موجبنه اعلام مذكورك تقضيله
قانون مذكورك ايكوز قرق درديجي ماده سي حكمه
توفيقاً كيفيتك صورت مشروحه دائره سنده
يكيدن بالرؤيه حكم واعلامه ربطلي ضمننده

اعلان

متولي محمد نور الدين افنديك حاجي حسن اغا
ذمتنده اوقاف هايون مفتشلكندن ويريلان
۲۸ جمادى الاخر سنه ۳۰۱ تاريخلي برقطعه ادانه
حجتي موجبنه الاجني اولان مبالغ معلومه نك
تأمين استيفاسي ضمننده مديون مزبورك عهده سنده
اولوب مروهون ومتولي مومي اليهك وكالت
دوريه سيله فروختي محكوم بولنان استانبوله
قوجه مصطفى پاشا حله سنده قره غولخانه قارشوسنده

واقع بر باب لبلیچی دکانی دروننده موجود کدک
بوندن اقدام مزایده به قونیه رقی لیرایوزغروشدن
اوج بیک ایکوزغروش بدلایله طالبی اوزرنده

فی ۱۸ تشرین اول سنه ۳۰۹

خدیجه حوریه خانم عزتو محمد صبحی بک
ذمتده روم ابلی صدارت علیه سندن و یریلان
۲۲ شعبان سنه ۳۱۰ تاریخلی برقطعه اعلام شرعی
موجبجه الاجنی اولان بیک یوز طقوز عدد
لیرای عثمانی ایله اون الی غروش اوتوز الی یاره
ایکی اقیچه نیک تأمین استیفاسی ضمنده مدیون
مومی الیهک عهده سنده اولوب اشبودین مقابلنده
محجوز وفروختی بک اوغلی بدایت محکمه سی
ریاست اولیسنک قراری اقتضا سندن بولسان
طوپخانه ده قره باش محله سنده دفتر دار یقوشنده
کائن اون اوج نومرو ایله مرقم بر باب خانه ایله
بک اوغلنده قله قوشنده شاهقولی محله سنده جاده
کیرده واقع بشیوز طقسان درت نومرو ایله
مرقم بر باب عرصه نیک اشبوتاریخ اعلانندن اعتباراً
اون بش کون صکره فروخته تشبث اولنه جفندن

فی ۱۱ تشرین اول سنه ۳۰۹

حسن تحسین افندی نیک $\frac{۳۱۱}{۳۴}$ نومرو ایله مقید اعلام
موجبجه حفاف حاجی علی اغایه دینی اولان معلوم
المقدار مبالغه تأمین استیفاسی ضمنده محجوز
وفروختی تحت قراره النان درسعادتده چارشوی
کیرده یاغلقه جیلرده زنه جیل چارشوشنده سلطان
عمود خان وقفندن ۳۲ نومرولی بر باب دکانه
ملک و کدک متصرف اولدینی ثلثان حصه شایعه سنک
تاریخ اعلانندن اعتباراً اون بش کون صکره

طالب اولنلرک بی سورمک و بوندن دها زیاده
معلومات المقتیانلرک مدت مذ کوره ختامندن
صکره درسعادت اعلامات شرعیه اجرا دائره سنه
مراجعت ایلملری دائره مذ کوره دن اعلان
اولنور .

فی ۱۹ تشرین اول سنه ۳۰۹

متوفی حافظ محمد امین افندی ورثه سنک حافظ
اسماعیل افندی ایله کریمه سی ام کلثوم خانم ذمتلرنده
قسمت عسکری محکمه سندن و یریلان سلیح ذی القعدة
سنه ۳۰۹ تاریخلی ادانه حجتی موجبجه الاجقلمری
اولان مبالغه معلومه نیک تأمین استیفاسی ضمنده
مرهون وفروختی محکوم بولسان چکمه جه صغیر
قضاسنه تابع ایاز اغا قریه سنده واقع بلا نومرولی
ملک منزل مع بفعجه نیک اشبوتاریخ اعلانندن اعتباراً
اون بش کون صکره فروخته تشبث اولنه جفندن
طالب اولنلرک بی سورمک و بوندن دها زیاده
تفصیلات المقتیانلرک درسعادت اعلامات شرعیه
اجرا دائره سیله مقری قریه سی بدایت محکمه سنه
مراجعت ایلملری دائره مذ کوره دن اعلان
اولنور .

فی ۲۰ تشرین اول سنه ۳۰۹

عساکر بحریه شاهانه فرون کاتبلرندن
اسماعیل حق افندی نیک $\frac{۳۱۱}{۳۴}$ نومرو سیله مقید اعلام
موجبجه دباغ ادهم افندی ذمتده محکوم به الاجنی
اولان معلوم المقدار مبالغه تأمین استیفاسی ضمنده
مدیون مومی الیهک قاسم پاشاده جامع کبیر
محله سنده ترسانه قپوسی جاده سنده ۱۳ نومرولی
دکانک نصفنک مع ملک و کدک متصرف اولدینی
برحمس حصه شایعه سیله محل مذ کورده سنان پاشا
وقفندن دباغ خانه جاده سنده بکرمی طقوز نومرولی
یوز یتیمش سکر زراع برقطعه عرصه ده کدک
متصرف اولدینی برحمس حصه شایعه سنک حجیزله
فروختی بک اوغلی بدایت محکمه سی ریاست اولیسی
جانبندن تحت قراره التمش اولمقله تاریخ اعلانندن
اعتباراً اون بش کون صکره بالمزایده فروخته
تشبث اولنه جنی بک اوغلی بدایت محکمه سی اجرا
مأموریتی جانبندن اعلان اولنور .

فی ۲۰ تشرین اول سنه ۳۰۹

نارلیان مانوق و کبلی کروی خیطه یان افندی نیک
اکین قضاسی داخلنده بوشادی ناحیه سی قرالرندن
اوریک قریه سنده ساکن ایکن قریه مذ کوره ده
بالتجری بولنه میان واقعه کاهی مجهول بولدینی خبر
و یریلان قصاب حاجی بکراغا زاده نوری و صدق
افندی نیک مخدومی علی اغار علیه نه درسعادت

محكمة تجارتی ایکنجی مجلسنده اقامه ایلدیکی
یکرمی لیرا مطلوبات ادعاسی اوچیوز طقوز سنه سی
تشرین ثانی سنک یکرمی یدنجی جمعه ایرتسی کونی
ساعت یدیده محکمه مذکورده فصل ورؤیت
اولنه جفتدن یوم ووقت مذکورده مدعی علیه
مرقومانک محکمه مزبورده بالذات حاضر بولنسی
ویا خود مصدق سندله طرفلرندن وکیل کوندرمسی
لازم کله جکی و شاید کلز و وکیل کوندرمز ایسه لر
حقلرنده معامله قانونیه نک اجرا اولنه جفی معلوم
اولق اوزره تنظیم اولنان دعوتیه ورقه لری
محکمه مذکورده نک و اکین بدایت محکمه سنک
دیوانخانه لری نه تعلیق اولندیکی کی اوراق حوادث
واسطه سیله دخی اعلان کیفیتیه ایشدار قلندی .

فی ۲۳ ربیع الآخر سنه ۳۱۱

وفی ۲۱ تشرین اول سنه ۳۰۹

قاشقچیلر قیوسندن دخول اولندقدن التمش بر
نومرو ایله مرقم بر باب وقف قاشقچی دکانی
دروننده موجود کدک نصف حصه سنک فروختی
محکوم بولنش و مبلغ مزبورک مدیونه متوفانک
وارثی و کفیلی علی رضا افندی ن تحصیلی و ممکن
اوله مدینی صورتده حصه مرقومه نک فروختی
ورنه وصیسی طرفندن استدعا قلنه رق کفیل
مومی الیهک اقامتگاهنک مجهول اولسندن طولانی
اعلام صورتی تبلیغ ایدیه ما مش اولدیغندن
ومذکور اعلام صورتی دائره دیوانخانه سنه تعلیق
قلندیغندن اصول محاکمه حقوقیه قانون موقتک
یکرمی التنجی ماده سنک قره مخصوصه سنه واجرا
قانون موقتک یکرمی طقوزنجی ماده سی احکامنه
توفیقاً مومی الیه علی رضا افندی ایشوتاریخ اعلاندن
اعتباراً اوچ ماه ظرفده اثبات وجود ایدوب
تسویه دین ایتدیکی حالد مذکور اعلام صورتی
کندوسنه تبلیغ اولنش و ایضای دیندن امتناع
ایتمش نظریله باقیلوب بر موجب اعلام مقتضا
حصه مرقومه نک مزایده وضع اولنه رق فروخت
اولنه جفی درسمادت اعلامات شرعیه اجرا
دائرة سندن اعلان اولنور .

فی ۲۳ تشرین اول سنه ۳۰۹

(مطبعة عامر ده طبع اولنشد)

متوفاة فریده خانم ورثه سنک متوفاة وسیله
خانم ذمتنده قسمت عسکری محکمه سندن ویریلان
۱۸ ذی الحجه سنه ۳۱۰ تاریخی مقتضا اعلامی
موجبجه اله جقلری اولان سکر بیگ غرو شک
متوفاة مزبورده نک کفیلرندن تحصیلی ممکن
اوله مدینی صورتده مرهون بولنان چارشوی کیرده